

乾隆杭州府志

杭州府志卷五十五

祥異

鄭夾漈災祥畧不言徵應糾漢儒援引之傳會其論博而篤矣以杭州言之赤烏用以紀年臨平湖徵諸謠諺固不僅一鄉一邑所當占測也夫澤國易旱潦而會城廬舍密稠尤宜備火祈禳弭災豈不由人事哉觀於吳越國土木爲災與夫宋末臨安災異見於洪谷夔高斯得所陳奏者亦古今得失之林也

盛世以三登爲上瑞偏隅偶沴賑貸必周倍徵體恤之優焉

漢 孝武帝天漢五年夏四月錢唐江岑石不見

越絕書

按天漢無五年此從越絕書舊文

三國 建安八年陸遜爲海昌都尉并領縣事縣連年亢

旱遜開倉穀以賑

三國志

赤烏二年饑

錢唐縣志

延熙十二年冬十二月寶鼎出臨平湖

萬歷舊志

按宋書符瑞志載赤烏十二年六月寶鼎出臨平湖或
六月或十二月當從春秋長葛傳杜氏斷以秋取冬告
之例蓋地屬於吳鼎出於六月赴告於蜀在十二月也

永安三年三月西陵赤烏見

冊府元龜

晉 武帝咸寧三年秋八月吳臨平湖開石印封發

綱目

九年春正月吳興郡地震

通志災祥畧

惠帝中吳郡臨平岸崩出一石鼓槌之無聲張華命取蜀

中桐材刻爲魚形扣之則鳴聲聞數里

晉書張華傳

愍帝建興四年玉冊見于臨安

晉書元帝本紀

元帝大興二年五月蝗吳郡百姓多餓死

文獻通考下並同

吳郡無麥禾大饑

八月吳郡米廩無故自壞

三年夏五月庚寅吳郡地震

通志災祥畧

按文獻通考載在四月庚寅

元帝永昌二年五月吳興郡大水

文獻通考下並同

十二月吳郡雷震電

明帝太寧元年五月吳興郡大水

咸和四年七月吳興大水

通志災祥畧

十一月吳郡震電

文獻通老下同

六年夏六月錢唐人家豕產兩子皆人面其身猶豕

九年四月甘露降錢唐右鄉東巷之柳樹

宋書符瑞志

五月白鷺見錢唐吳國內史虞潭以獻

晉書

成帝咸康元年饑

錢唐縣志

康帝建元元年秋七月庚寅吳郡災風

通志災祥畧

廢帝太和三年十月浙西火

文獻通考

簡文帝咸安二年三吳大旱

晉書簡文帝本紀

安帝元興元年七月大饑吳郡戶口減半又流奔而西者

萬計

文獻通考

二年十月錢唐臨平湖水赤

晉書五行志

十一年京師所在大行火災吳界尤甚王宏時爲吳郡晝在廳治事見天上有一赤物下狀如信幡遙集路南人家

屋上火卽大發

通志災祥畧

安帝義熙十二年六月吳郡吳興郡大水

文獻通考

宋文帝元嘉七年吳興郡大水遣使巡行賑恤

南史文帝紀

十二年六月東諸郡大水民人饑饉吳郡之錢唐斗米三

百揚州治中從事史沈演之乃開倉廩以賑卹饑民

宋書列傳

同下

餘杭縣高隄崩潰洪流迅激勢不可量餘杭縣劉道錫躬先吏民親執版築塘既屹立縣治獲全

十八年秋七月鹽官產白雀吳郡太守劉楨以獻

宋書符瑞志下

同並

十九年夏四月餘杭獲白龜以獻

二十年夏四月餘杭見白龜揚州刺史始興王濬以聞

二十三年吳郡鹽官縣野稻自生三十餘種

二十四年四月白雀產鹽官民家

孝武帝大明元年五月吳興郡大水人饑

南史孝武帝紀

明帝泰始七年春二月錢唐生連理木吳郡太守王延之

以聞

宋書符瑞志

順帝昇明元年冬十月於潛縣桃李奈寔

宋書五行志下同

二年二月於潛翼異山一夕五十二處出水漂流民居

齊高帝建元元年吳郡吳興郡大水

通志災祥畧

武帝永明元年吳興郡水

南史武帝紀

鹽官內樂村木連理

南齊書祥瑞志

四年春二月大風吳郡偏甚樹葉皆赤

通志災祥畧

七年吳郡太守江敦于錢唐縣獲蒼玉璧一枚以獻

南齊書祥

瑞志
下同

六月鹽官縣獲白雀

九年鹽官石浦有海魚乘潮而來水退不得去長三十餘丈黑色無鱗未死有聲如牛土人呼爲海燕取其肉食之

南齊書

五行志

秋七月錢唐獲白雀

南齊書
詳瑞志

八月吳興大水蠲租

南史
武帝紀

梁武帝天監七年鹽官邑人宏靈度井中放光三日不

止獲銅僧伽像因捨宅爲慶善寺

舊志

中大通三年秋吳興生野稻饑者賴焉

梁武帝紀

元帝承聖元年十二月星隕吳郡

通考象緯考

陳

後主正明二年臨平湖草舊塞忽然自通

南史本紀

按萬歷舊志載在正明元年以史考之實二年也又獻
通考陳後主末年臨平湖草久塞忽然自通舊志作文
帝天嘉元年不足信

隋

文帝開皇六年春二月乙酉浙大水

通志災祥畧

煬帝大業十二年五月癸巳大流星隕于吳郡爲石

文獻通考

下同

唐

高宗永徽四年杭州水

中宗嗣聖十二年富陽令李濬築江堤捍水患

舊志

武后證聖元年六月隕霜

錢唐縣志下同

肅宗乾元元年浙江水旱重困民多疫死

代宗廣德元年浙西火災

仁和縣志

代宗大歷元年浙西水災

萬歷舊志

十年七月杭州海溢

唐書五行志

按萬歷舊志秋七月大風海水翻潮湖州民五千家船

千艘

十一年春三月右散騎蕭昕奉詔來杭宣慰賑給以杭州

水災故

冊府元龜

德宗貞元六年浙西大旱井泉竭人暍且疫死者甚衆

文獻

通考

夏浙西疫

舊唐書下同

八年浙西州縣大水壞廬舍漂殺人

順宗永貞元年秋浙江旱

唐書五行志下同

憲宗元和四年秋浙西旱

穆宗長慶元年四月有大星墜于吳郡

文獻通考

四年秋浙西旱

舊唐書

敬宗寶歷元年秋浙西旱

唐書五行志

文宗太和元年春浙西大疫

富陽縣志

四年夏浙西大水害稼

萬歷舊志

十月浙西火

唐書五行志

五年夏六月辛卯杭州水害稼

舊志

六年夏五月杭州灾疫詔賜米二萬石賑杭州八縣

萬歷舊志

七年秋浙西大水害稼

唐書五行志

宣宗大中五年臨安縣大旱

吳越備史下並同

六年臨安縣復旱

十三年大風拔樹于野

懿宗咸通十三年四月庚子朔浙東西地震

文獻通考

十四年吳越有異鳥極大四目三足鳴山林其聲曰羅平

萬歷舊志下同

僖宗乾符三年夏五月浙西旱詔理四免今年稅

僖宗廣明二年秋七月己丑夜星大如杯椀交流如織至

丁酉乃止

吳越備史下同

昭宗乾寧二年作羅城江濤勢激板築不能就禱之沙漲一十五里功乃成

秋七月浙江水溢壞民居

錢唐縣志

昭宗光化三年九月杭州有龍闕于浙江水溢壞民居廬

舍甚衆

文獻通考

冬大雪富春江冰合旬日乃解

富陽縣志

二年三月癸丑至乙卯浙右大雪盈丈雪氣如烟而味苦

吳越備史

下並同

冬十月癸酉大雪平地丈餘

梁 太祖開平三年冬十月湖州刺史高澄遣其黨焚燒

義和臨平等鎮

四年秋七月杭州大火

五代史

唐 莊宗同光四年杭州大水水中生米大如荳民取食

之

吳越備史
下並同

明宗天成三年六月以來大旱有蝗蔽天而飛晝爲之黑
庭戶衣帳悉充塞之武肅王親禱于都會堂是夕大風蝗
墮浙江而死

四月地震壞廬舍

明宗長興三年三月二十七日巳酉夜大雪

閔帝應順元年正月大雪平地五尺

晉 高祖天福二年二月巳酉夜暴雨自西北起連日至

壬子有海魚二各長五十餘丈一死于桐廬一死于餘姚

六年秋七月杭州大火

舊志

按五代時元瓘性奢侈好治宮室天福六年杭州大火

燒宮室殆盡元瓘避之火隨發元瓘大懼因病狂吳越

備史亦作天福六年惟萬歷志作長興六年考長興止

四年無六年萬歷志誤

出帝開運元年九月南船務石井有物形如守宮尾長七

尺許鬣且角獲之置于安溪潭

吳越備史
下並同

四年三月庚午有雉集于玉華樓

七月庚子有雉升于天冊堂之戟門旋歷廊廡久而獲之

漢 高祖乾祐二年四月城西上清宮災

周 世宗顯德二年七月庚午有虹入天長樓

三年正月南擊場門樓火

西湖志

五年四月吳越王錢宏俶奏十日夜杭州火焚燒府署殆

盡上命中使賞詔恤問

文獻通考

按萬歷志謾作乾祐五年

宋 太祖建隆二年五月不雨至七月命取龍湫于天台

山以祈雨

吳越備史
下並同

三年秋七月壬戌大風拔木

九月庚戌夜地震響如雷

四年冬十月甲申獲魚于江濡長九丈六尺

太祖乾德二年春正月戊寅朔大雨震電

三年秋七月有虎于龍山凡傷數十人捕之逾旬而獲

太祖開寶六年十一月二日大雪雪氣如烟

太宗太平興國三年八月庚申杭州淮海國公舊府功臣

堂柱芝草生

玉海

太宗淳化二年夏五月餘杭縣亢旱已卯忽雷雨震驚大

風拔木瓦片悉飄人以爲龍經其地

萬歷舊志

四年饑遣使安撫

錢唐縣志

五年兩浙饑

宋元通鑑

太宗至道三年旱知泰州田錫上言杭州災荒狀疏言今

年十一月有杭州賁牒泰州會問公事臣聞彼處米價每

斗六百五十文饑餓死者不少溝渠皆是死人一僧收拾

埋藏千人作一坑五十人作一窖云云

通鑑長編

真宗咸平元年春夏浙江旱

文獻通考下同

二年正月己卯月入南斗魁占曰吳分饑疫明年兩浙大

饑民疫死

閏二月杭州箭竹生米如稻時民饑採之充食

宋史五行志

春浙江旱

文獻通考

真宗景德二年兩浙饑

宋史五行志

真宗大中祥符四年六月兩浙大水

宋元通鑑

五年海潮衝擊州城

西湖志

六年冬十月杭州奉詔發廩賤糶以濟饑民

萬歷舊志

七年兩浙饑

宋史五行志

九年三月杭州有虎入稅場巡檢俞仁祐揮戈殺之

文獻通考

祥符中臨安縣大滌洞中出五色雲

大滌洞天記

真宗天禧元年二月兩浙蝗蝻

宋史五行志下並同

三年錢唐民謝文信婦一產三男

兩浙饑

五年錢唐有巨石浮于江

錢唐縣志

真宗時一日暴風江潮溢決隄仁和令俞獻卿鑿西山石

作隄數十里民用便之

萬歷舊志

按續綱目載俞獻卿于大中祥符三年九月官太常博

士疏救內侍江守恩坐貶志不言日月疑在祥符以後

事

仁宗天聖四年九月兩浙雨水壞民廬舍

文獻通考

六年八月兩浙水宋元通鑑

仁宗景祐四年六月乙亥杭州大風雨江湖溢岸六尺壞

隄千餘丈宋史五

按此與文獻通考所紀年月同浙江通志載在明道四

年者誤

仁宗皇祐二年旱錢唐縣志

三年杭州饑殍殮枕路知州事范仲淹發粟賑之萬歷舊志

仁宗至和三年北高峯塔雷火咸淳志

仁宗嘉祐六年七月兩浙淫雨爲災宋史五行志

英宗治平元年杭州水災文獻通考

神宗熙寧元年水

錢唐縣志

三年兩浙旱蝗

宋元通鑑下同

五年二月兩浙水

六年春大旱井皆竭適六井畢修錢唐之民皆以飲牛馬

給沐浴

蘇軾六井記

七年久旱

咸淳志

八年三月鹽官縣地產物如珠可食水產菜如菌可爲菹

饑民賴之

宋史五行志

按浙江通志誤作嘉祐八年萬歷志及舊府志並作熙寧八年而載在四月惟文獻通考與宋史同

五月丁丑雨黃毛

宋史五行志下同

八月兩浙旱饑

冬十月杭州地湧血者三最後流入河腥不可聞

武林紀事

按錢唐縣志誤作熙寧五年

哲宗元祐元年秋八月杭州民俞舉慶家七世同居園木

生連理

宋史五行志

五年浙西水

錢唐縣志

六年夏六月浙西大水杭州死者甚衆詔賜米五十萬石

錢十萬緡賑之

宋元通鑑

八年兩浙海風駕潮害民田

宋史五行志

哲宗紹聖四年夏兩浙旱

文獻通考

哲宗元符二年兩浙水患

宋史五
行志

徽宗崇寧元年浙西大旱

西湖遊
覽志

浙西饑

宋史五
行志

三年秋富陽縣飛蝗蔽野田禾俱盡

富陽
縣志

四月兩浙水

宋元
通鑑

徽宗政和八年夏浙大水民流離漂溺者衆遣使賑濟

文獻

通考

徽宗重和元年夏浙大水民流移多溺

宋史五
行志

徽宗宣和六年秋兩浙水災民多流移

文獻
通考

高宗建炎二年杭州地湧血清波門內竹園平地湧血須

臾成池腥聞數里

武林紀事

三年二月高宗至杭州久陰霖雨占曰陰盛下有陰謀時

苗劉爲逆後伏誅

文獻通考

五月霖雨夏寒

宋史五行志

夏五月於潛臨安二縣大水辛卯夜山水暴出壞廬田溺

死甚衆

於潛縣志

高宗紹興元年二月霖雨臨安城壞計三百六十丈

續綱目

六月臨安火

舊志

夏浙西大疫

宋史五行志

十月乙酉臨安府大火

浙江通志

紹興初行都柴垛橋旌忠廟三蛇出沒庭廡大者盈尺方鱗金色首瘡有金錢遇霽或變化數百于蕉卉間廟徙而

蛇孽亦絕

宋史五行志

按錢唐縣志載在元年今從之

二年兩浙饑斗米千錢

文獻通考

二月丙子臨安府大雨雹

宋史五行志

夏五月庚辰臨安府大火亘六七里燔民舍一萬數千家

浙江通志

十二月甲午行都大火燔吏刑工部御史臺官府民居軍

壘盡乙未旦乃炮

宋史五行志下並同

三年正月雨電震雷

雨自正月朔至于二月

八月甲申地震

浙江通志

八月地生白毛韌不可斷

錢唐縣志

八月辛亥尚書省後樓屋無故自壞

文獻通考下同

九月庚申行都開門外民廬火燔者甚廣令戶部發廩以

賑命有司修火政

四年正月戊寅行都火燔數千家

宋史五行志下同

三月己未大雨雹傷稼

四月霖雨至于五月浙東西郡縣壞圩田害蠶麥蔬蕪

浙江

通志

九月久雨

宋史五行志

五年三月行都雨甚傷蠶麥

文獻通考

五月臨安地震

萬歷舊志

閏五月乙巳朔雨雹而雪

宋史五行志

臨安虐暑殺人計四十餘日草木盡枯死者甚衆

舊志

八月臨安屬縣大水時洪水發天目山忽高二丈許衝擊塘岸百餘所漂沒屋廬千五百餘家流尸散入旁邑禾稼

化爲腐草

續綱目

九月雨至明年正月

宋史五行志下同

十二月戊辰雨雹

六年二月行都屢火通燔千餘家

文獻通考

五月久雨不止

宋史五行志

六月乙巳夜臨安地震有聲自西北如雷餘杭縣爲甚

文獻

通考

冬十二月臨安大火燔萬餘家人多灼死

武林紀事

七年春旱七十餘日

宋史五行志下並同

二月癸丑雨雹先一夕雷後一日雪

臨安府火

地震

八年三月積雪至于四月傷鰲麥害稼

七月雨水銀雨錢錢或從石甃湧出

錢唐縣志

秋八月十六夜江干民間空中語曰當死于跨浦橋者數百人皆兇淫不孝之輩十八日觀潮橋上人皆滿須臾潮至橋壞壓溺數百既而訪其死者平昔皆不逞之人

成化舊志

冬不雨

錢唐縣志

冬大雪雨水數十里米大小皆龜形背具卦文

續月令廣義

九年二月甲戌雨雹傷麥

宋史五行志

二月己卯行都火

文獻通考

六月旱六十餘日有事于山川

宋史五行志

七月壬寅復火

文獻通考

十年十月行都火燔民居延及省部

宋史五行志下並同

十一年七月旱戊申有事于嶽瀆乙卯禱雨于園丘方澤

宗社

十二年三月旱六十餘日

春三月臨安大火四月又火

武林紀事

杭州疫

咸化舊志

九月甲子行都民居火經夕漸近太室而滅乙丑令有司

撤火道周廟垣二十步

文獻通考

十三年二月甲子雨雹傷麥

宋史五行志下同

七月庚午壬申雹傷稼

十二月庚寅瑞雪應時

玉海

十四年正月行都火

宋史五行志

六月大水

富陽縣志

十五年九月丙子行都火

宋史五行志下同

十二月甲寅雷

十六年春三月臨安雨水

萬曆舊志

夏行都疫

宋史五行志

十七年冬十月己未臨安府甘露降

宋元通鑑

十八年浙西旱

文獻通考

餘杭縣有牛生二領一身

舊志

十一月壬辰高宗御麗正門肆赦天有雲赤黃太史附秦

檜意奏以爲瑞

文獻通考

十九年十二月於潛縣生瑞芝

王

二十年正月壬午行都火燔吏部文書皆盡

文獻通考

二十一年三月巳卯雹傷禾麥

宋史五行志下並同

八月乙亥天有聲如雷響于西南四日乃止

十一月辛未夜震雷十二月癸酉雷

二十二年十二月戊寅巳卯雷

二十三年六月大雨壞軍壘民田

浙西水

文獻通考

二十四年正月戊寅地震

宋史五行志下並同

浙西旱

二十五年三月壬申地震

夏五月太室楹生芝九莖

文獻通考

二十六年夏行都疫高宗出柴胡製藥活者甚衆

宋史五行志

秋七月辛酉雨水銀

宋元通鑑

十二月甲子雷

宋史五行志

二十七年二月神英廟室柱上生芝四莖

玉海

二十八年六月壬辰太白晝見癸巳流星晝隕

宋元通鑑

八月甲寅地震

宋史五行志

九月浙東西沿江郡縣大風水平江

文獻通考

二十九年春旱七十餘日

宋史五行志下同

二月戊戌雹損麥

雷震于鹽官縣

萬歷舊志

秋浙郡國旱

文獻通考

大螟蝻

錢唐縣志

三十年夏久雨傷蠶麥害稼

宋史五行志下同

五月辛卯夜臨安於潛二縣山水暴出壞民廬

秋浙郡縣旱

文獻通考

冬十月癸亥日中無雲而雷

宋元通鑑

十月浙郡國螟螣

浙江通志

三十一年正月丁丑雷

宋史五行志

正月戊子大雨雪至己亥逾旬不止禁旅壘舍有壓者時

久雪寒甚

文獻通考

三月壬辰地震

宋史五行志

三十二年六月大霖雨浙西郡縣山湧暴水漂民舍壞田

覆舟

文獻通考

夏六月癸巳淮蝗飛入浙西聲如風雨至七月丙申飛徧

畿縣餘杭仁和錢唐皆大蝗丙午蝗入內城

萬歷舊志

七月戊申地震大風拔木

宋史五行志下同

紹興中耕者得金甕重二十四鈞于秦檜別業

孝宗隆興元年三月霖雨行都壞城郭三百三十餘丈

文獻

通考

浙西郡國風雨傷稼

宋史五行志

秋七月旱蝗

富陽縣志

八月壬申癸酉飛蝗入都蔽天日害稼

文獻通考下同

建康民流寓行都產子二首具羽毛之形

二年三月二十四日德壽宮康壽殿生金芝十有二莖

玉海

夏六月餘杭縣大蝗

萬歷舊志

六月陰雨七月大雨八月風雨踰月

宋史五行志下同

七月浙西大水害稼

孝宗乾道元年二月大雪三月暴寒損苗稼

春臨安大飢疫死殍徙者不可勝計

宋史孝宗本紀

夏亡麥

宋史五行志

二年正月霪雨至于四月夏寒浙郡國損稼蠶麥不登

文獻

通考

三年七月己酉臨安天目山暴水決臨安五鄉民廬二百

八十餘家人多溺死

宋史五行志

按臨安縣志誤作隆興三年

八月淫雨妨穡浙禾麻菽粟多腐

文獻通考

臨安大震電擊死軍器坊民龍澤夫婦及子郭僧又市人

陳永年皆以不孝一時死

夷堅志

九月不雨麥種不入丙午地震於西北

宋史五行志

十一月丁丑雷

宋元通鑑

四年三月己丑雨土若塵

宋史五行志下並同

四月陰雨彌月

六月旱帝將徹蓋親禱于太乙宮而雨

八月頒皇祐祀龍法于郡縣

五月餘杭縣民婦產子青而毛兩肉角又有二家婦產子

毛角亦如之皆連體兩面相嚮三家纔相去一二里

文獻通考

按舊志載在紹興二十年萬歷志前後皆不錄考宋史

五行志與通考同因更正

五年正月甲申晝霾四塞

宋史五行志下並同

二月丙午雹損麥

十二月壬申太室東北垣外民舍火

六年行都北關有魴魚色黑腹下出人手于兩旁各具五

指

文獻通考

五月大風雨寒傷稼

宋史五行志下並同

夏連雨六十餘日

秋浙西螟爲害

十一月連雨辛巳郊開雲于園丘百步外有露雨

文獻通考

十二月一日瑞雪應時

玉符

七年十一月丁亥禁垣外閭人私舍火延及民居

宋史五行志

錢唐縣大饑

錢唐縣志

八年夏行都民疫及秋未息

宋史五行志下並同

六月壬寅大雨徹晝夜至于巳酉

九年閏正月淫雨

孝宗淳熙元年秋七月壬寅錢唐大風潮決江隄一千六

百六十餘丈漂民居六百三十餘家仁和縣瀕江二鄉壞

田圃

十二月戊辰地震自東北方

二年秋浙旱

文獻通考

浙西郡縣蝗

宋史五行志

十一月癸亥麗正門內東廡災

文獻通考

十一月朔旦冬至率百僚上德壽宮尊號祝冊寶時雲物輝

華宣示史館

玉海

三年五月浙積雨損禾麥

文獻通考

六月大風連日

宋史五行志

八月臨安大雨水害稼癸未壞德勝江漲北新三橋及錢

唐仁和餘杭縣田

浙江通志

按萬歷志及舊府志均載入元年今據宋史五行志作三年

八月癸未甲申行都大風雨九月久雨十月癸酉孝宗出
手詔決獄援筆而風起聞霽

宋史五行志

九月大內射殿災延入東宮門

文獻通考

四年二月戊戌雨土

宋史五行志下並同

五月己亥夜錢唐江濤大溢敗臨安府隄八十餘丈庚子
又敗隄百餘丈

九月丁酉戊戌大風雨鵲海潮敗錢唐縣隄三百餘丈

五年正月庚戌大風

二月壬午甲申雨土

四月丁丑塵霾晝晦日無光雨土

浙西旱

文獻通考

六年正月丁丑雹傷麥

宋史五行志

夏旱

宋元通鑑

九月連雨已巳將郊而霽

宋史五行志下同

十一月乙丑雨土

七年正月餘杭門外牆壁有詩其言頗涉怪後康得主名

杖遣之

文獻通考

行都自七月不雨至于九月

宋史五行志

臨安饑

萬歷舊志

八年正月甲戌積旱始雨

文獻通考

四月雨腐禾麥五月久雨敗首種

宋史五行志下同

夏四月行都大疫禁旅多死

六月浙西大饑

宋元通鑑

丙辰以臨安疫分命醫官診視軍兵

萬歷舊志

臨安府七月不雨至于十一月

宋史五行志

秋大旱詔迎天竺觀音就明慶寺請禱

西湖志餘

九月乙亥行都火

朱史五行志下同

冬行都饑浙東常平使者朱子進對論荒政請蠲田賦身

丁錢詔免之

十一月蠲富陽新城錢塘夏稅賑臨安府饑民

萬歷舊志

九年春大亡麥行都饑

朱史五行志下同

夏五月不雨

六月乙卯飛蝗過都遇大雨墮仁和界蘆蕩茅穗令徒座

之

文獻通考

八月浙西又蝗

萬歷舊志

十一月十一日郊祀禮成兼以瑞雪應時

玉海

十二月壬寅夜地震

宋史五行志下同

十年六月蝗遺種于浙害稼

秋七月旱

宋元通鑑

十二月丙寅地震

宋史五行志下並同

十一年正月辛卯甲寅雨土

四月淫雨

秋七月浙西水米價湧貴下令禁諸州過糴

禹歷舊志

十二月戊辰饑縣新城深浦天雨黑水終夕盈

文獻通考

十二年仁和縣良渚有牛生二首七日而死

宋史五行志下並同

餘杭縣有犢二首

五月庚寅地震

五月六月皆霖雨

十一月戊子雷十二月丁丑雷

冬大雪自十二月至明年正月或雪或霰或雹或雨水冰
涸尺餘連日不解

十三年行都有人死十有四日復生

正月壬寅雨土

二月庚申錢塘龍山江岸有大魚如象隨潮汐復逝

浙江通志

秋八月臨安府民家有血自地中湧出澱染至屋梁汚人

衣

萬歷舊志

十一月辛未鄧家巷婦產肉塊三其一直目而橫口

朱史五行

志

十四年臨安府九縣饑

文獻通考下同

都城市井歌曰汝亦不來我家我亦不來汝家流傳四方莫詳其旨過紹興二三年其事始應于兩宮

春都民禁旅大疫

宋史五行志

五月臨安旱

文獻通考

五月大內武庫災戎器不害

宋史五行志

六月甲申昧爽孝宗將禱雨于太乙宮乘輿未駕有大聲發自內及于和寧門人馬辟易相踐藉有尖巾屨者近鼓

妖也

文獻通考下同

六月庚寅行都寶蓮山民居火延七百餘家救焚將校有死者令守臣以緡粟賑之

六月臨安府浦頭婦產子生而能言四日暴長四尺

宋史五行

志下同

七月己酉大雪于園丘望于北郊有事嶽瀆海凡山川之神時臨安等府皆旱至九月乃雨

秋七月仁和縣蝗丙辰命臨安府捕之不爲災

萬歷舊志

十五年九月庚子夜南方有赤黃氣覆大內

宋元通鑑

十六年六月行都錢唐門旦啟黑風入揚沙石

宋史五行志

六月甲辰錢唐傍江居民得魚備五色鰓首鯉身事聞有

司令縱之

浙江通志

七月乙丑大雷震太室齋殿東鴟吻

宋史五行志下同

光宗紹熙元年春久陰連雨至于三月

春臨安府民家猶生子一首八足二尾

文獻通考下同

三月癸巳行都市人夜以殺相驚奔迸者久乃定

三月留寒至立夏不退

宋史五行志

二年里巷婦人初以琉璃釵爲首飾後連年有流離之患

文獻通考下同

正月行都大雪積沍河水厚尺餘寒甚

五月戊寅大雨雹震雷電以雨至二月庚辰大雪連數日

宋史五行

志下同

三月癸酉大風雨雹如桃李寔平地盈尺壞廬舍五千餘

家禾麻蔬果皆損

四月行都傳法寺火延及民廬言者以戚里土木爲孽火

數起之應時中宮建廟第都門之應徙者多

文獻通考下同

八月行都久雨

冬至郊合祭天地風雨大作黃壇燭盡滅不卒事而還

宋元

通鑑

三年正月己巳行都火通夕至于庚午闕闕焚者半

文獻通考

同下

十一月臨安火燔民居五百餘家

都城市井有取程頤語錄雜以穢褻盛行于市朝廷知而禁之後三年僞學之禍作

四年夏臨安大霖雨自四月至于五月郡縣壞圩田害蠶

麥稻

仁和縣志

秋富陽縣粟生來禽寔

宋史五行志下同

十月甲寅雨土

十一月癸酉地生毛占兵起民不安後一年韓侂胄用事

卒有開邊毒民之禍

文獻通考

五年春浙西自去冬不雨至于夏秋

宋史五行志下並同

四月癸卯雨土

六月丙子大風

七月乙亥行都大風拔木壞舟甚衆

八月辛丑錢塘臨安新城富陽於潛縣大雨水餘杭縣爲甚漂沒田廬死者無筭

十月戊戌行都大風拔木

文獻通考

十一月辛亥行都雨木

萬歷舊志

十二月臨安府南高峰山忽自摧折

武林紀事

地湧血

錢塘縣志

冬亡麥苗行都饑

宋史五行志下並同

寧宗慶元元年正月霖雨甲辰寧宗蔬食露禱丙午霽二月又雨至于三月傷麥

二月己卯天雨塵土

春淮浙流民多聚于行都

文獻通考

三月臨安大疫

萬歷舊志

五月霖雨

宋史五行志下並同

七月雨至于八月臨安府水

十一月己丑天雨塵土

二年正月戊子雷

五月不雨

五月行都疫

八月行都霖雨五十餘日

文獻通考

三年正月丙子天雨塵土

宋史五行志下並同

三月行都疫

四月丙午天雨塵土乙丑雨雹大如杯破瓦殺燕爵

秋富陽鹽官縣皆螟

浙江通志

七月雨連月

宋史五行志下同

十二月甲申天雨塵土

四年三月甲辰有郵筒置詩謠達御前寧宗諭宰臣究其

事

文獻通考下同

秋浙西游饑道多殣

八月久雨

宋史五行志

五年五月行都雨壞城夜壓附城民廬多死者

文獻通考

夏臨安府多疾疫

宋元通鑑下同

六月盜竊太廟金器

八月太室西北夾室楹生白芝四葉

文獻通考

六年正月己巳雨土

宋史五行志下同

三月甲子大風拔木

四月旱五月辛未禱于郊丘宗社

五月亡暑氣凜如秋

九月辛丑天雨塵土

十月己丑雨土

十一月甲子地震東北方辛卯天雨塵土

冬十二月臨安無雪桃李華蟄蟲不藏

萬歷舊志

寧宗嘉泰元年二月辛丑雨土

宋元通鑑下同

三月丙寅至己巳連雨雹

三月戊寅行都大火至于四月辛巳燔御史臺司農寺將作軍器監進奏文思御輦院太史局軍頭皇城司法物庫御厨班直諸軍壘及民居五萬八千九十七家城內外亘

十餘里灼死之可知者五十有九人而踐死者不可計都城九燬其七百官皆餓舟以居火作于寶蓮山御史臺胥

楊浩家

文獻通考下同

夏五月浙西郡縣大旱

六月己卯天雨塵土

宋史五行志下並同

九月己未天雨塵土

十二月辛丑天雨塵土

是歲浙江大蝗

宋元通鑑

二年正月己巳雷

宋史五行志

春浙西旱

文獻通考

四月庚寅雨雹傷稼

宋史五行志

六月己卯臨安火庚子大雨雹

宋元通鑑

秋七月臨安野蠶成繭

萬歷舊志

十一月秘書省右文殿楹生芝二莖

宋史五行志下同

三年正月雷

春久雨

宋元通鑑

夏臨安大旱西湖之魚皆浮食者輒病謂之魚瘟

武林紀事

五月行都疫民艱食

宋史五行志下同

八月久雨

十月行都淫雨至明年春三月

文獻通考

十月丁未暴風十一月癸未大風

宋史五行志下同

四年正月乙亥大風辛卯雷

三月丁卯臨安大火自劉慶家起延糧料院右丞相府尚書省樞密院制勅院檢正房左右司諫院尚書六部工部侍郎廳萬松嶺清平山仁王寺石佛菴樞密院親兵營備內司學士院內酒庫門廊屋殿及內中宮官兵救撲許以重賞太廟神主冊寶法物皆移寓德壽宮是夕百官之家盡去都亭避火五日和寧門鴟吻上火忽起禁卒張隆用飛梯騰屋擊鴟吻碎之烟乃滅六日賜諸軍犒賞仍賑恤被燬三千七十餘家奉神主還太廟

咸淳志

五月不雨至于七月浙江郡國皆旱

浙江通志

寧宗開禧元年正月壬子雨雹

宋史五行志下並同

四月乙卯大風

夏浙西不雨百餘日

秋久旱大蝗羣飛蔽天

冊府元龜

八月壬寅天鳴有聲

宋史五行志下並同

九月庚戌大風

十月行都淫雨至于明年春

二年正月雪雷

春淫雨至于三月

二月癸丑壽慈宮災

四月壬子行都火燔民居數百家

文獻通考

三年二月不雨

宋史五行志

夏四月錢塘大水浸壞民廬西湖溢瀕湖民舍皆圯

武林紀事

按舊志載入開禧元年今據文獻通考改正

夏秋久旱大蝗羣飛蔽天食浙西荳粟皆盡

宋史五行志

寧宗嘉定元年春臨安饑斗米千錢

文獻通考

正月臨安大火

錢唐縣志

夏旱

宋史五行志

五月浙江大蝗

浙江通志

九月乙丑大風

宋史五行志下並同

閏月壬申雨雹害稼

二年二月戊子大風

三月丙申雨雹

宋元通鑑

夏臨安大疫

仁和縣志

四月旱首種不入庚申禱于宗社郊丘六月又禱至于七

月乃雨

宋史五行志

六月飛蝗入臨安

輟耕錄

六月己卯故循王張浚家火後旬日市井訛言相驚絳衣

婦人爲火殃下墜都民徙避晝夜弗寧禁之後亦不火

宋史

五行志

下並同

冬行都大饑殍者橫市道多棄兒

三年正月雷丙午天雨塵土

春陰雨六十餘日

三月臨安大水浸行都廬舍五千三百間西湖溢

舊志

夏都民多疫死

宋史五行志

四月甲子新城縣大水

浙江通志

五月淫雨至于六月首種多敗蠶麥不登

宋史五行志

五月富陽餘杭鹽官新城大雨水圯田廬市郭

浙江通志

秋七月臨安府蝗

武林紀事

按仁和縣志誤載于夏四月

八月癸酉大風拔木折禾穗墮果實寧宗露禱至于丙子

乃息

宋史五行志下並同

按萬歷志誤作開禧三年

四年二月都民多疫

春三月臨安大火

萬歷舊志

四月丙申臨安府梵天寺火

浙江通志

八月霖雨至于九月

宋史五行志下同

閏月丁未大風

五年春淫雨至于三月傷蠶麥

埽帚塢山間有紫氣如蓋

咸淳志

秋七月雷雨太廟屋壞

綱目續編

十一月雨雪積陰至于明年春

宋史五行志下同

六年春淫雨至于二月丁亥雨雪集霰

四月臨安地震

舊志

夏浙郡國多雨雹害稼

文獻通考

六月亡暑夜寒

宋史五行志

六月丁亥於潛縣大水戊子錢塘餘杭臨安諸縣水

浙江通志

下同

七年六月浙郡蝗

夏旱禱雨

宋元通鑑

九月陰雨至于十月害禾麥

宋史五行志下並同

八年二月己未天雨塵土

春旱首種不入四月乙未禱于太乙宮庚子命輔臣分禱
郊丘宗社五月庚申大雩于園丘有事于嶽瀆海至于八
月乃雨

四月乙卯飛蝗入畿縣自夏徂秋饑民競捕官出粟易之
按續綱目及萬歷志舊府志並作七年四月浙江通志
載七年六月文獻通考載八年四月惟宋史五行志兩
年分見今從之

五月大燠草木枯槁百泉皆竭行都斛水百錢賜死者甚

衆

文獻通考

九年四月六月大霖雨

宋史五行志下同

五月行都大水漂田廬害稼

臨安饑

仁和縣志

十二月癸巳天雨土

宋史五行志下並同

十年正月乙未晝霾大風拔木

二月癸巳日無光雨土

二月庚申地震自東南

三月連雨至于四月

七月不雨寧宗日午曝立禱于宮中

十月霖雨害稼

十月浙江濤溢圯廬舍覆舟溺死甚衆

文獻通考

十一月丁丑大風

宋史五行志下同

十一年二月甲寅大風

春二月安仁村產瑞麥一穗兩岐

富陽縣志

浙亡麥苗

宋史五行志下同

六月霖雨

秋不雨至于冬

九月己巳萬松嶺民舍火燔四百八十餘家

浙江通志

十月戊午大風

宋史五行志

十二年畿縣鹽官海失故道潮汐衝平野二十餘里

文獻通考

二月癸巳天雨塵土

宋史五行志下並同

五月地震

六月霖雨彌月

十三年二月辛卯天雨塵土

冬十一月壬子臨安大火

舊志

十四年正月乙未夜地震大雷

宋史五行志下並同

六月辛巳大風

十五年五月不雨

七月霖雨爲災

十六年行都無麥禾

文獻通考

二月戊子天雨塵土

宋史五行志下同

夏霖雨

五月餘杭錢唐仁和三縣大水

武林紀事

秋江濤溢圯沿江民廬壞田稼

文獻通考

八月大風雨害稼

宋史五行志下同

十二月壬辰雷

十七年春餘杭錢唐仁和三縣饑

文獻通考下同

海鹽縣鹽官地數十里先是有巨魚橫海岸民鬻食之

海患凡六年而平

八月霖雨

理宗寶慶元年八月己酉地震

理宗紹定元年三月行都火燔六百餘家

十一月庚辰雷

宋元通鑑

三年三月丁酉雨土

宋史五行志

夏霖雨四十日浙西之田盡没于水其不没者則大風駕

潮水而來頃刻殆盡

癸辛雜志下同

四年三月三日天雨黃霧塵土四塞入人口鼻皆辛酸几

案如灰積行者相去丈餘不能識面目日輪昏黯無光雨

連日夜不止是夜望仙橋東火延燒數路至七日愈熾塵霧益盛沿燒逾萬家

秋七月丙戌夜行都火延太廟三省六部御史臺秘書監玉牒所惟丞相史彌遠府獨存洪舜俞有譏殿帥馮樹詩

咸淳志

五年春二月甲子朔初更有星如斗自東而西紅光燭地

隕于宗陽宮

癸辛雜志

九月乙巳雨雹雷

宋元通鑑

六年三月壬子雨雪

宋史五行志

三月丙辰大雨雹

宋元通鑑

理宗端平二年三月乙未雨雪

宋史五行志

五月乙未雨雹

宋元通鑑下同

六月庚辰流星晝隕祈雨

十二月辛亥雷

宋史五行志下同

三年七月甲申天雨血

小麥嶺有虎患擒二虎

成化舊志

理宗嘉禧元年六月臨安府火燔三萬家

宋史五行志下並同

按宋元通鑑及萬歷志仁和錢唐志俱云五月臨安大

火自己至酉燒民廬五十三萬

二年浙江溢

風雹

四月甲申雨土

秋七月霖雨不止烈風大作

宋元通鑑

三年臨安饑

萬歷舊志

風雹

宋史五行志下同

三月辛未天雨塵土

六月海潮大溢

趙興權英衛關記

四年臨安大饑

宋元通鑑

杭州大旱西湖涸爲平地茂草生焉

山居新語

六月蝗

宋元通鑑

十二月丙辰地震

宋史五行志

理宗淳祐元年六月螟

宋元通鑑下同

七月祈雨

十二月丙寅雷庚辰夜地震

宋史五行志

二年夏四月壬申雨雹

宋元通鑑下同

十一月己亥日南至雷電交作

四年鹽官大饑

舊志

秋七月祈雨

宋元通鑑

五年二月丙寅朔天雨塵土

宋史五行志

六年六月祈雨

宋元通鑑

七年杭州大旱運河乾涸

西湖志餘

三月祈雨

宋元通鑑下同

八年二月癸巳雨雹

十一年五月乙亥天雨塵

宋史五行志

十二年十一月丙申臨安大火至丁酉夜始熄

續文獻通考

十二月丁丑雷

宋史五行志

理宗寶祐元年十月賑恤京城軍民

宋元通鑑

二年三月戊子雨雪

宋史五行志

三年春正月迅雷罷元夕張燈

宋元通鑑

三月己未雨土

綱目續編

夏五月浙江大水

宋史理宗本紀

五年六月七月祈雨

宋元通鑑

六年二月壬辰天雨塵土

宋史五行志下同

理宗開慶元年三月辛酉雨土

理宗景定元年三月白氣如匹練亘天

宋元通鑑

四年九月昌化縣嘉禾嘉粟生守臣吳革繪圖以獻

咸淳志

五月熒惑入南斗留五十餘日

續文獻通考

二年錢塘火災延燒居民惟吳山一老翁家獨全平時誦

經樂施火起之夕以老僮不能去遣兒婦亟走兒婦不忍

捨同處烈焰之中全家昏然熟寐至于葡萄架亦不焚善

積于平日孝感于一時爲神物護持如此

西湖志

三年春臨安屬邑水

宋史理宗本紀

二月臨安饑馬光祖請榮王發粟賑民

宋元通鑑

五月丙寅雨雹

浙江通志

八月浙西螟

宋史五行志

四年昌化縣鳳凰馬篠諸山產瑞麥瑞粟

昌化縣志

五年臨安府大火

宋史五行志下同

二月辛未雨七

度宗咸淳元年閏五月臨安恒雨

萬歷舊志

二年秋八月霖雨

錢唐縣志

三年秋八月霖雨

萬歷舊志

四年閏月丁巳大風雷雨居民屋瓦皆動

宋史五行志

六年秋七月慶忌塔池水壁立

西湖遊覽志

七年春二月饑

宋元通鑑

北高峰塔燬

咸淳志

八年冬十月臨安水溢詔減錢塘仁和民田租什二

武林紀事

九年江南平地產白毛臨安尤多

宋史五行志

十年春正月臨安雨土

舊志

八月癸丑大霖雨天目山崩水湧臨安餘杭民溺死無算

宋元通鑑

冬十二月庚午錢唐江湖失期不至

萬歷舊志

帝熈德祐元年臨安雨土

舊志

玉牒所灾

宋史五行志下並同

三月辛巳終日黃沙蔽天

六月庚子是日四城遷徙流民患疫而死者不可勝數天

寧寺死者尤多

二月壬寅浙江潮三日不至時元軍分駐江沙上宮中望

祝曰海若有靈當使波濤大作一洗而空潮竟三日不至

萬歷舊志

閏三月數日間城中疫氣薰蒸人之病死者不可數計

宋史

五行志

杭州府志卷五十五終